

懷慶府爲續脩志書以存文  
獻事康熙二十九年七月一  
十八日蒙

巡撫河南等處地方提督軍  
務兼理河道都察院右副都  
御史加四級閤 憲牌照 □

郡邑有志必信必徵 □ □ □  
後其間博而不支簡而能盡  
彬彬大雅上之可列於職方  
下之可藏於石室蓋有關於  
政治者非淺也豫省當天  
下之中道里所均古聖先賢大

半發跡於斯則軒輶所至未有不訪其故實者而郡邑之志已三十餘年莫之增脩其爲遺漏者多矣又昔年脩志止取備文未加考訂或限以數日或所託非人本都院逐

一查閱府志如河南南陽縣志如宜陽河陰蘭陽等志荒悖失倫莫可枚舉至於安陽汲縣乃彰德衛輝兩府首邑竟無志書尤爲缺典今本都院已將通省志書設局脩正

而各府州縣所送續冊未能  
畫一各通志所載限於定格  
不能如府州縣之詳則三十  
餘年所遺書十之六七自此  
漸遠漸至凋殘文獻無徵何  
從取信矧此三十年皆我

皇上生聚教養之所培育其戶  
口日增土田日闢文治隆而  
風俗厚災祥見而官民警安  
可不大書特書以爲一代之  
盛典哉擬合通行續脩爲此  
牌仰該府官吏照牌事理卽

延擇文學名儒熟知典□□  
於史事者博採典章蒐羅遺  
軼其舊志未載者一一補之  
舊志之舛譌者悉改正之不  
得以同名疑誤相沿不得以  
稗官小說攬人本都院又恐

各屬參差不齊未歸畫一□  
凡例開明粘單於右悉照此  
爲規程若夫叙論之古雅典  
茂俱屬才人之大筆在乎各  
自留心稿成先錄草本呈送  
本都院披閱裁定其所費紙

張工料須量力捐資慎勿絲毫派之民間諒此不朽之盛事可指日觀成也速速計粘單一紙等因到府蒙此合行續脩爲此牌仰該縣官吏照牌備蒙憲牌內事理該縣速

卽延擇文學名儒熟知典故長於史事者博採典章蒐羅遺軼其舊志未載者一一補之舊志之舛譌者悉改正之不得以同名疑誤相沿不得以稗官小說攙入

撫憲恐各屬參差不齊未歸  
畫一將凡例開明粘單於右  
悉照此爲規程若夫叙論之  
古雅典茂俱屬才人之大筆  
在乎各自留心稿成先錄草  
本一樣二冊申送本府以憑

順序府志呈送披閱裁定其  
所費紙張工料須量力捐資  
慎勿絲毫派之民間諒此不  
朽之盛舉可指日觀成也火  
速火速須至牌者

康熙三十三年十二月二十  
一日蒙

欽差巡撫河南等處地方提督  
軍務兼理河道兵部右侍郎  
兼都察院右副都御史加三  
級顧 憲票照得該府申送

志書本部院已經核定合發  
原本前去以憑採緝爲此票  
仰懷慶府官吏照票事理卽  
將各志內有批改粘簽之處  
仍飭所屬改正刊刻另呈核  
入通志以彰文獻以垂永久

毋得遲違速速須票

河內縣志



憲牌



河內縣志

河內有志自明萬歷丁酉始也邑人賓吾王先生發凡舉例實當創始之任越五十年復哀集而增益之先生之嗣白玉與有勞焉又三十餘載

爲

今上庚午是時

大中丞閻公填撫兩河披觀  
羈邑諸志或體裁未當或芳  
蕤鮮播恐其保殘守闕若存  
若亡而文采不彰於遐邇也

檄所在脩輯以成一時之盛  
河內侯李公素耽典墳雅擅  
博物之譽手檄欣然以其事  
屬蕙蕙足盤盤而不進者久  
之竊念□翁先生珠玉在前  
有所裁損人將謂我度已跡

削他人足耳增以繪綵不幾  
乘大輅笑椎輪乎則宜辭者  
一茂惡爾矛怡愉相醺文人  
恒態也操不律於桑梓之中  
濫則成穢刻則招怨將何所  
措其筆墨則宜辭者二覃懷

郡乘余兄紫睂氏之所撰連  
也人蓄油素家懷鉛筆蕙復  
濫叨茲役綴學之士豈必出  
於一門則宜辭者三枚臯逸  
才也速行無善跡古人已有  
其論他邑有朝受事而夕報

命者遲之又久不過旬日而  
止能如阮元瑜之簡書如雨  
彊力敏成乎則宜辭者四居  
數日邑侯則又遣一使來促  
謂子大夫其就館矣討類遐  
廣採訪見聞邑有司之職也

選義按部攷辭就班亦鄉先生之事也蕙既不克辭於是網羅載籍穿穴史冊以摭河內之軼聞然於宋元以上徃徃有文獻無徵之慨焉夫其無徵豈一朝一夕之故乎士

必休養而後有絃誦絃誦而後有典文上溯徃昔亦河內生民之不幸而士君子之所悼痛也秦兼山東或拔懷或拔野王或發河內民十五以上旣已囊括四海衛元君猶

阻山而保野王殆欲以螳背  
當車輪乎光武破赤眉於射  
犬聚射犬邑東鄙也於是推  
轂子翼轉輸治械未嘗乏絕  
又南破蘇茂追至洛陽而還  
雖牧民禦衆此子可使而河

內之民已困矣及定鼎□□  
尚分軍士於河內何眷眷懷  
此都也一方而外更無完實  
之邦哉自此以降難以縷舉  
其尤著者李郭之亂董承來  
屯張楊奉米而河內一困晉

氏失馭劉淵十將軍據太行  
劉聰石勒攻懷執裴整而河  
內一困劉越石以郭默爲河  
內守劉參攻之劉曜復列三  
屯攻之而河內一困呂護以  
河內降晉慕容恪皇甫真帥

六萬之師深溝高壘坐守野  
王而河內一困元顥入洛爾  
朱榮破河內誅珍孫而河內  
一困李育德降唐矣宋王泰  
爲世克鎮懷州劉德威自太  
行東圍河內而河內一困唐

武宗之討澤潞也王茂元屯  
萬善科斗敗雍店焚而河內  
一困迨乎梁唐之際抑又甚  
焉嗚呼河內固四通之地而  
歷代必爭之場也歲月幾何  
剝復無端休養者寡安有絃

誦絃誦者尠安有典文何恠  
乎文獻凋落而石室二酉之  
藏不見於太行之下乎今邑  
侯銳意文教將事惟謹皇皇  
哉此天下之勝事千載一時  
矣行當勒爲成書傳之其人


猥以譎薄謬承茲任雖竭力  
經營思以塞委任之望然蚊  
負之誚尚可言哉同事者明  
經則史君璉諸生則余從孫  
健健卽余兄紫睂氏中子之  
子也相與窮日攷訂丙夜商

確比意同力度幾昔人之義  
若翦其榛楛增其闕畧正其  
紕漏續其芬芳則蕙亦未遑  
多讓焉昔陳壽善於紀述李  
延壽究悉舊事所作二史皆  
有紀傳而無志志之作不憂



憂乎難哉苟博文君子矜其  
固陋而示之訓辭以匡正其  
不逮亦鄙人之宏願也  
蕙 珥  
筆竢之矣

賜進士出身原任戶部廣東清  
吏司員外郎邑人蕭家蕙撰



河內縣志

標

家世粵東以丁卯秋杪綰  
綬是邑相距數千里地旣濶  
絕風土亦異初視事茫乎畔  
岸及取邑乘觀之始而知其  
梗槩旣而辨其情俗久而悉

其條貫於是廢書歎曰志之  
不可以已也如是夫但河邑  
自明萬歷丁酉始有志歷六  
十餘年至我

朝順治戊戌復行脩舉其間湮  
遠事多草創未免大樸未彫

魯魚錯見不能無難讀之感  
焉庚午秋膺

撫都憲閻大人檄命脩輯邑  
志諄諄以古良史相訓諭

標

奉檄惕然久有志未逮亟乃  
延邑紳計部蕭先生以暨史

明經理蕭庠生健同任摭摭  
纂脩之事

標

前而揖曰蕭先

生老成典型饒知典故史明  
經與蕭生又端而能文涉筆  
落紙自擅三長然昔人謂左  
氏失之誣司馬子長是非頗

謬於聖人是二子後世尙有  
遺譏也今非博採而嚴收之  
秉以虛公不誣不濫烏能勸  
懲有加使一邑之志傳爲惇  
史乎況今

聖天子致治邳隆車書一統疆

宇曰闢聲教日廣雖窮陬遠  
溘咸歸版籍將輯統志登之  
蘭臺備資彤管顧不偉哉蕭  
先生顧史明經與蕭生曰唯  
唯于是開局魯齋祠始事於  
季焮告竣於仲冬業已繕寫

成書矣既而以脫藁匆遽挂  
漏猶多乃於今年夏初復理  
前業期在旁搜遠紹考訂該  
洽以力追古作者之風標受  
而校讐之彬彬乎質而有文  
簡而有法翻然躍喜肅然改

容起而謝曰是可以得宰一  
邑之法矣夫膺騰撇波而濟  
水不如乘舟之逸衝蒙涉田  
而致遠不如道塗之疾故創  
始者後來之範也今書具在  
觀山川綿亘疆域繡錯今之

邑非古之國乎職任至重吾  
何以副之田賦盈耗戶口多  
寡元元之肥瘠非長吏之欣  
戚乎烹鮮不易吾何以理之  
城池峻險王中丞之遺烈也  
溝渠溷漫袁司馬之勞勩也


徽風如在吾何以繼之學校  
如故也鼓篋而游者猶有許  
文正何文定之風規乎習俗  
如故也聚族而處者猶有丁  
蘭王友貞之摯性乎此守土  
者之化也吾何以倡之昔高

仲舒博通典籍齊澣練習時  
務姚元之每坐二人以質所  
疑曰欲知古問高君欲知今  
問齊君邑乘之作備載今古  
非爲宰者之高齊歟是時  
閻大人已遷去

大中丞顧大人以秩宗學士  
出撫兩河謹身帥先與元元  
休息於無事省徭役之勞除  
害羊之政凜凜庶幾有德讓  
君子之遺烈矣標承下風敢  
自謂能以經術飾吏事或可

籍表帥而追慕前休淳龐之  
風不減如昔彼都人士沐浴  
撫部憲德化彷彿周召分陝  
時將以是編爲周南召南備  
小行人之辨異而周知焉  
皆

康熙三十二年歲次癸酉仲  
夏河內縣知縣南海李櫟撰





# 河內縣志序

郡邑有志亦古之有史乎然志之作較史爲倍難史兼褒貶據事直陳而已志以考前徽誇殊絕極衆人之所炫曜善則書惡則不書例也古人

以不虛美爲實錄辭涉揄揚必鏤形肖貌使瑕瑜隱隱鉛槧間庶乎讀者如身酬對焉否則人人皆曾史之行在在成瓌瑋之觀何以信遠邇昭直筆乎故曰志之作較史爲

倍難志難矣爲河內之志則  
尤難何也河內覃懷首邑前  
代或爲州或爲郡或爲縣刺  
史二千石治中別駕大將軍  
之署廨存焉事關州郡槩而  
存之是蔓衍也槩而置之是

漏脫也前代或爲州或爲郡  
或爲縣封域之廣陬曼異有  
名爲河內而不附於今之邑  
者有不名河內而實爲今之  
邑者攷辯不詳任情無例不  
幾煙墨不言受其驅染紙扎

無情任其搖襞乎是又梁簡  
文之所深譏也璉從邑士後  
無能爲役然戮力究職幸有  
同心如司馬卬之王河內趙  
伯陽之令懷州攷諸沿革俱  
在今之武陟敢蔓衍乎所謂

不敢槩而存焉者也至司馬  
獻王之爲典農溫尙書之爲  
節度雖非邑宰而開通溝瀆  
利河內者至今未艾敢漏脫  
乎所謂不敢槩而置焉者也  
山濤爲河內人今其地隸武

陟特同郡耳杜喬亦河內人  
今其地隸衛源郡且不同矣  
所謂名爲河內而不附于今  
之邑者也竹書梁惠王元年  
韓趙伐我鄴城京相璠曰山  
陽西北六十里有鄴城水經

注曰丹水逕鄴城西鄴非今  
清化乎唐明皇登太行言志  
蘇頲應制有平指洛陽川之  
句雖太行千里非一邑得私  
此非太行之在河內者乎所  
謂不名河內而實爲今之邑



者也范蔚宗自比孟堅謂搏  
瞻可不及之整理未必愧也  
余輩敢自謂整理哉庶幾竊  
比此志云爾雖然馬班兩史  
皆父子相繼而成今惠子之  
五車不遑披也阮氏之七畧

未暇校也分星災祲能擬繁  
露緯書乎城郭署舍能擬遷  
殷營洛乎山川疆域能擬水  
注山經乎官師人物能擬列  
傳世家乎以旬月之方當古  
人兩世之作掛一漏萬何所

解免傳曰言之不文行之不遠尤吾儕所爲反覆流連而不能已已者也

皆

皇清康熙三十二年歲次癸酉  
仲夏吉日歲貢生史璉撰



跋

庚午冬編次邑志既成尋以匆  
匆報命挂漏滋多今年夏五復  
取前書益肆力攬摭務期不疎  
不溢而止又閱月而告竣是役  
也從祖計部公實董厥事

小子

健

亦得協贊其間大厦將構尋

尺不廢雖一木之枝敢辭榱桷  
之用然

小子健

於是不能無感

焉往余大父比部公綴輯郡乘  
順治之己亥歲也匆遽脫稿意  
殊不自得是時

健

方週一歲大

父抱置膝上與坐客談及郡志

戲謂

健

曰兒他日能纘爾祖之

志乎□□作應聲一坐大噓大  
父垂老時猶述其言以爲調笑  
而今已矣健自顧本乏材用不  
諳作述視王元禮子姓遜其累  
葉之光生劉孝綽門中不堪七  
十之列上下千百年間貞人哲  
士鴻功顯迹至浩博矣限以太

行緣以濟沁其足以摠懷舊之  
蓄念發思古之幽情者豈少乎  
聞見未廣家鮮乘書訪諸父老  
或傳說互異以愛惡爲妍媸考  
其遺文或鑿空構立未必如中  
郎之紀太邱也據事實錄昌黎  
尚不敢率爾爲之况短才而運



大雅所難者哉夫過大梁者佇  
想乎夸門游九原者流連於隨  
會前賢芳躅與過而廢也寧過  
而存之如李章之爲吏綱亦少  
密矣然威譽誼赫擬之翁歸廣  
漢疇不謂然詭激無行李宗閔  
黨人之見耳舊唐書據其說以

抵義山義山寧無心折乎合柱  
之有弟保母之爲君則闕焉而  
不書非闕也善善欲其長惡惡  
欲其短耳先大父有言吾所弁  
言因時因地不敢假貸他人亦  
欲他人無從假貸小子健雖未  
能仰步祖武然尙思墨守此志

而不忘也

康熙癸酉仲夏邑人蕭健撰



河內縣舊志序

林環昌

河內令

嘗讀禹貢首冀州而先紀底績於覃懷者蓋所以濬治源而溥平成之化也然其中山川有書田賦有書卽地產物類亦有書者則禹貢一書實爲後代志書之祖也且其中山川有書田賦有書地產物類有書而猶書祇德以爲先圖者則明乎讀志者之不僅於讀志書也讀志書者之不僅於讀志書則溯洄編摩每令人觀感於志書之先而興發於志書之後者也河邑有志蓋前此者矣明神宗

河內縣志

舊序

一

朝邑令解州侯公始其事洪洞盧公終其業而纂集編定者爲鄉先正賓吾王公也自是滄桑遞變紀載散闕迨

皇清戊戌歲 宮保部院賈大人撫憲中邦黼黻治畧嘉績徧敷以脩輯豫志爲古今激揚亟務遂檄各郡邑續殘綴遺垂南國之信史誠鉅典也河邑志原孫令公暨自玉王邑紳董厥役而未竣己亥冬環昌甫蒞茲土適逢盛事雖吏務鞅掌而奉命弗遑時與鄉先生蕭紫睂諸公叅訂考核有存者

有逸者有曩逸而今存者有曩存而今逸者大率  
嘉美則增而繁則去要克當於可逸可存而止爰  
自冬徂春壽梨告成乃如瞻疆域形勝則太行屏  
乎其北丹沁帶乎其東而鼎峙以表赤城之鎮安  
瀾以沛紫陌之膏者良足重矣閱里鎮土田雖六  
十三之繡錯碁置萬一千之望杏瞻蒲第邇來畝  
荒賦劇民瘠徭多且地當荆楊雍冀之孔道軍需  
旁午絡繹疲于奔命而疏引運漕更爾繁重維艱  
鴻未寧於攸居漁又苦於竭澤繭絲乎保障乎不

禁洊發而深省矣若夫叔達以典農稱大業以清  
簡著袁鳳翔鑿山開河之蹟王節鉞捍寇禦侮之  
勛四公治譜所最表者尸祝弗衰奕世下猶凜凜  
有生氣至於苟變推重子子思羲伯見嘉于楊俊  
編洪範外傳而穆元休儒規可宗展魯齋遺書而  
許文正之道風堪挹嗣而教化翔洽鴻碩蔚起如  
何文定之幹時周竹溪之梗槩婁穀原之篤學王  
藩憲之史才諸皆質行白著尤爲榆邦鼎呂者而  
能不動觶鞞弓冶之佩耶抱聞之市夫負擔聽講

子 饗聞說郭巨而泣真性真情賢  
正默相感耳進而披均糧脩濟諸疏議以及  
太行諸咏則指陳時艱惻然可念而綴景  
又若引人於瑤琴載撫玉纖空冰沸出煙霞千  
畝矣且也山如濤則龍興川如隆則雲起韋平睂  
趾可方駕洛陸珠樹軌足嗣徽又豈非青箱世  
濟允爲後進觀型而玉筍班升絡盡惜陰味道者  
雖然此特序其畧焉者也畧者而覽於邑志之  
詳譬如歸衆津於一壑滙之各疏其流也抑邑志  
其小焉者也小者而合於豫志之全譬如導百川  
於巨浸納之共成其大也故曰禹書爲後代志書  
之祖也使讀志書者之不僅作志書觀將見祇愼  
勵翼同襄化理仰撫臺輯志激揚之休功且將  
禹之明德偕遠矣謹拜手而序其端

脩志姓氏

總裁

巡撫河南等處地方提督軍務兼理河道兵部右侍郎兼都察院右副都御史加二級顧

伊任順天大興籍  
江南長洲人癸丑

前總裁

巡撫河南等處地方提督軍務兼理河道都察院右副都御史加四級

閻興邦

梅公遼東籍  
宣府人癸卯

提調

河南等處承宣布政使司布政使加九級

李國亮

朗菴奉天  
人壬子

河南等處提刑按察使司按察使加八級

肱介社

茨村順天大  
興人廢生

河南分守驛鹽糧務道布政使司叅政加四級

祖文明

李燦遼  
東人

河內縣志

姓氏

一

提督河南省學政按察使司今事加四級

陳義暉

裕庵浙江烏  
程人庚戌

河南省巡理河道提刑按察使司僉事加五級

周銓元

衡山遼  
東人

懷慶府知府加一級

劉維世

靜寰奉天籍  
海州人貢

督糧通判

徐肇顯

宜庵浙江山  
陰人貢生

河捕通判

卞之鈞

洪庵奉天蓋  
平人官貢

督理

河內縣知縣

李 標

舊為廣東南  
海人舉人

河內縣縣丞

王 玉

升谷直隸  
人貢監

校梓

河內縣儒學教諭

李璣

〇五〇邑人丁酉

河內縣儒學訓導

抗冠世

彰德人歲貢

纂脩

原任戶部廣東清吏司員外郎

蕭家蕙

樹百邑人〇〇

歲貢生

史璉

言〇邑人

懷慶府儒學廩膳生員

蕭健

六成邑人

續纂脩

候補教諭

蕭瑞苞

叔方邑人歲貢

考訂

河內縣志



姓氏

二

兵部武選司主事

楊賜昌

歲貢

直隸廣平縣知縣候補主事

孫聚貴

天乙癸卯

辛未科進士

任倫備

子美

原任江南靈璧縣知縣

劉振儒

庚通

原任山東齊東縣知縣

閻文煥

庚心戌

福建大田縣知縣

王錫祉

丁子酉寧

江南 由縣知縣

楊奕紳

乙景卯

原任山東安丘縣知縣

馬若夔

乙振監

採輯

癸卯舉人

徐煥  
文侯

丙午舉人

張庚  
潛石

己酉舉人

馬振龍  
潤武

壬子舉人

張泮  
汝元

乙卯舉人

任作舟  
濟侯

辛酉舉人

宗成學  
奎耀

甲子舉人

楊顯宗  
克纘

丁卯舉人

宋世昌  
憲文

庚午舉人

劉愔  
素心

河內縣志

姓氏

三

庚午舉人

王溥  
天如

庚午舉人

鄒恂  
心玉

庚午舉人

鄒庚  
若耶

癸酉舉人

董芝



凡例九則

庚午冬叔父纂脩邑志苞以抱病不與然叔

踰杖國不勝慘淡經營之苦一切弁言槩命

刀及今年有復脩之役

邑侯李夫子遂以委苞自顧微賤希當大任謹

書其梗槩如左庶乎知我罪我有所折衷云

周禮小史掌邦國之志注謂諸侯之國志其土地

風俗物產貢賦之書也元觀手抄亦云張華至

瑯嬛福地有萬國志然則國之有志尚矣竊嘗

河內縣志

凡例

一

論之省志日月也郡志經星也邑志緯宿也若

邑乘畧于郡乘不幾煩簡倒置乎是編特爲增

益以與郡乘相稱

水經注載河內山川古蹟最爲詳確道元以燕趙

人來仕洛陽是邑必素所迴翔地也據酈注特

增古蹟一圖並以史書所見附之庶覽者開卷

瞭然云

河內爲覃懷首邑歷代州郡治此名宦宦蹟不入

太守刺史將昔人治理之美不幾付諸東流乎

况祀典内有寇子翼及五太守祠公署内有郡  
守廨舍而獨不可廁名名宦之列是何說也今  
將守牧皆爲增入至舊志名宦内載司馬印暨  
二漢懷令諸公史記明書司馬印都朝歌漢懷  
縣今之武陟也與河内何涉悉汰去以免越俎  
唐宋河陽節度使頗多元老大賢河内雖其属邑  
然署舍未嘗在此故不收錄若温造李元淳輩  
疏濬河渠河内受其利賴迄今人猶思之其可  
置乎故亦登之名宦從民志也

從來志乘亦有用表體者必門分彙別或爲表或  
爲攷或爲列傳世家方覺秩然條理如李滄溟  
青州志張岨崆寧波志是也苟志體中突入表  
體一二反覺前後不倫今將沿革職官表改作  
直書以正體裁

漢鄭司農父子范蔚宗以爲河南人資治通鑑則  
謂河内鄭興鄭衆劉貢甫熟于漢事其所考據  
必確故俱列之人物至尹和靖乃河内先生子  
漸之孫亦遵續通鑑收采非闌入也

河內古三河之一太行以南黃河以北皆其地也  
自宋熙豐間黃河南徙而河內始陸走魏博矣  
說者謂風氣宣洩無復當年之舊然許文正何  
文定崛起元明間翻覺上掩先民豈非豪傑之  
士不爲風氣所囿者乎于藝文中詳爲表彰以  
風來者

許文正病文籍之煩語錄而外述作無多何文定  
與王子衡康對山爲友故文章于簡朴中亦頗  
有脩辭之樂藝文因遺書爲去取非敢于兩公

有所低昂也

康熙歲次癸酉夏五旣望河內後學蕭瑞苞謹識



河内縣志目錄

卷之一

圖攷

建置沿革

星野

附 災祥

疆域

形勝

鄉鎮

風俗

城池

公署

倉庫

田賦

附 戶口 鹽引 驛傳

卷之二

河内縣志

目次

一

學校

附 學田 禮器 樂器 樂舞 生書院

祀典

山川

關津

橋梁

水利

物產

職官

科貢

附 封廕

武備

武科

爵封 附城

古事

古蹟 寺觀 陵墓

卷之三

名宦 附宦蹟

人物

孝義 忠烈 隱逸 列女 方技 游寓

仙釋 雜記

卷之四

河內縣志

目次

二

藝文 詔誥 疏表 書 序 傳 碑記上

卷之五

藝文 碑記下 墓碣 祭文 詩

河內縣志卷之一

圖考

登太行之

右濟 青

身在畫圖中寧待

青

耶然周

掌

司空鄼侯收圖籍於秦府所以睹阨塞知形勢

太行隔閼晉豫羊腸詰屈自古 之圖考亦曷

少哉若夫丹沁交流澆灌萬井則者人經國之

雲雨由人小民所恃以為命者也并圖之

河內縣志

卷之一

圖

一







河內縣志

卷之一

圖

二





河內縣志

卷之一

圖

三










河內縣志

卷之一

圖

五





河內縣志

卷之一

圖

六

璉按舊志諸圖皆出畫工之手今則爲蕭子健之所繪寫也至古蹟一圖舊志不載蕭子經營位置使歷代遺踪燦若列眉何可泯焉因並記之使後之披覽斯圖者知所由來云

建置沿革

河內殷實之名昉於鄧禹光武亦曰河內殷富吾將因是而起及觀古今沿革之際始知漢河內郡兼汲共溫軹隆慮蕩陰諸城邑何其廣也今長短相覆纔數十里特古河內什一耳猶或狃于昔人之論過矣夫引臆臆而納諸均堂杯水中有無膠何者無力以負之也孱國而蒙殷富之名得無類是乎

河內縣古冀州地周官職方氏曰河內曰冀州

河內縣志

卷之一

沿革

七

禹貢覃懷地

商畿內地班固志云河內殷之舊都

周初爲邠國又爲雍國之西境

東周畿內地左傳王與鄭絺杜預曰在野王縣西南後賜晉文公爲晉南陽地邑名野王晉人執晏弱于野王卽其地也

戰國爲魏野王葵城地竹書紀年烈王六年趙成侯偃韓懿侯若伐魏葵京相璠曰在脩武縣西六十里後又屬韓赧王五十一年秦伐汝野王尋又

屬衛秦始皇六年秦拔魏濮陽衛元君角將其支  
屬徙居野王阻其山以守河內二世元年廢角爲  
度人始置縣

秦爲三川郡之北境其東鄙爲武德縣孟康曰始皇  
東巡置自以武德定天下故名

項羽立司馬卬爲殷王王河內

漢爲野王武德波三縣地屬河內郡隸司隸校尉部  
昭帝始元元年改隸冀州王莽置六隊郡改野王  
曰平野隸後隊

河內縣志

卷之一

沿革

八

東漢仍爲野王武德波三縣地屬河內郡隸司隸校  
尉部三國魏因之隸冀州

晉廢武德波入野王河內郡治此隸司州

懷帝永嘉二年劉淵遣劉聰等十將軍南據太行又  
使劉聰劉曜趙國圍河內河內人執太守裴整以  
降于是爲劉淵地

河內督將郭默收裴整餘衆自爲塢主劉琨以默爲  
河內太守于是又爲晉地

劉曜攻河內太守郭默于懷列三屯圍之默食盡帥

衆投李矩于新鄭野王復陷于淵

石勒攻冠軍將軍梁巨于武德巨踰城遁軍人執之  
勒如武德數其罪而害之又使石虎帥衆自軹關  
西入擊趙河東河內是時爲後趙地

燕慕容恪皇甫眞將兵討呂護護嬰野王城自守乃  
築長圍攻之護食盡奔滎陽野王遂屬於燕

海西公太和五年苻堅滅燕河內于是爲秦地及慕  
容垂畔秦使其將可足渾譚攻野王拔之又爲

燕地

河內縣志

卷之一

沿革

九

南北朝宋仍爲野王縣屬河內郡隸司州

後魏爲野王州二縣地懷州河內郡治野王武德郡

治州

隋改野王爲河內縣改州爲邢邱縣大業初改名安  
昌又廢懷縣入焉

唐爲河內武德二縣地高祖武德二年析河內置太  
行紫陵忠義三縣又置北義州四年省三縣入河  
內廢北義州入武德懷州河內郡俱治河內屬河  
北道

仍爲河內武德二縣地屬河北西路懷州河 郡  
治河內設防禦使建隆元年陞防禦爲團練使尋  
復舊熙寧間省武德爲鎮屬河內元祐初復爲縣  
金爲河內縣南懷州治此隸河東南路置沁南軍節  
度使皇統間置黃隄都大勾管司大定間置行元  
帥府興定間罷行元帥府置招撫司有鎮四武德  
柏香萬善清化

河內縣志

卷之一

沿革

十


元爲河內縣隸燕南河北道初置懷州太宗四年行  
懷孟州事憲宗六年世祖在潛邸以懷州爲湯

邑七年改懷孟路總管府延祐六年以仁宗潛邸  
改懷慶路


明仍爲河內縣懷慶府治此  
國朝因之

星野

星之分野以測祲祥志天文敢不慎耶或以河內為魏地則謂觜觿參分野以河內為衛地則謂室壁分野或又以東西境兩屬之然歟否歟古人謂陰陽之精發於天者本乎地地無定分星豈有定哉詳載室壁如舊志而以婁廣宗觜觿參一辨附于後匪日騎牆庶乎世之博物者得以取衷焉







黃帝分星次自危十七度至奎四度日豕韋之次一名 訾於辰在亥謂之大淵獻於律爲太簇斗建在寅今衛分野

史記衛地營室東壁之分野今之東郡及魏郡之黎陽河內之野王朝歌皆衛分野

前漢書地理志衛地營室東壁之分野

後漢書自危十度至壁八度謂豕韋之次立春驚蟄居之衛之分野

天文志河東入張一度

河內入張九度

東郡入角一度

自危十六度至奎四度爲媯訾於辰在亥衛之分野屬并州

營室東壁衛并州

隋地里志冀州古堯之地舜分州爲十二冀州析置幽并其於天文自胃七度至畢十一度爲大梁屬冀州自尾十度至南斗十一度爲析木屬幽州自危十六度至奎四度爲媯訾屬并州自柳九度至

河內縣志

卷之一

星野

十三

張十六度爲鶉火屬三河則河內河東也

唐天文志營室東壁媯訾也初危十三度餘二千九百二十六秒一太中營室十二度終奎一度自王屋太行而東得河內至北紀之東隅北負彰鄴自河濟之交涉滎波濱濟水而東得東郡之地古邶鄘衛凡胙邳雍共微南燕昆吾豕韋之國自閣道王良至東壁在豕韋爲上流當河內及彰鄴之南得山河之會爲離宮又循河濟而東接元枵爲營室之兮

月陰氣進踰乾維始上

升氣悉究與內規相接故自南氏達于西  
得雲漢 氣爲山河上流自北正達于東正得雲  
漢降氣爲山河下流媿訾在雲漢升降中居水行  
正位故其分野當中州河濟間且王良閣道由  
垣絕漢抵營室上帝離宮也內接成周河內皆豕  
韋分

唐地里志河北道蓋古幽冀二州之境孟懷澶衛及  
魏博相之南境爲媿訾

河內縣志

卷之一

星野

十四

明一統志禹貢冀州覃懷之地天文室壁分野  
明清類分野書澶懷衛相皆衛分也天文星指室壁  
周禮疏云營室東壁衛并州分野白閣道王良至東  
壁爲河濟之上流河內及鄴南得河山之會爲離  
宮又循河濟而東接元枵爲營室之分

魏太史令陳卓更言郡國所入宿度有柳七星張屬  
周三輔而日河內入張九度是又以爲鶉火之  
記北斗七星夜半建者衡衛殷中州河濟間

附邑人廣宗令婁樞星野魏分與衛分考

天文雖未之習而地理則有所據國之遷徙雖無常而星之分野則有定按周禮保障氏以星土辨九州之地所封封域皆有分星以觀妖祥班固地理志稱魏地觜觿參之分野其界自高陵以東至河東河內是以河內爲觜觿參之分野矣又曰衛地營室東壁之分野也東郡魏郡河內野王朝歌皆衛分也是又以河內爲營室東壁之分野矣史記正義亦以河東河內爲魏地 觿參之分野河內之野王朝歌爲衛地營室東壁之分野兩分之

失正與漢書同朱子釋詩曰今懷衛澶相 濮等州開封大名府界皆衛境也是以衛爲前所失之衛與後所都之衛交舉而互言之旣以河內 魯衛之衛矣及釋孟子則曰河內河東皆魏地是以河內爲趙魏之魏則自懿公失國之後河內錫於周分於魏言之也吾嘗詳考河內之域屬衛與屬魏之制河內本殷之舊都周旣滅殷分其畿內爲三國詩國風邶鄘衛是也邶封武庚管叔尹鄘蔡叔尹衛以監殷民謂之三監書序曰武王崩三監

叛周公誅之盡以其地封康叔遷邶鄘之民於洛  
邑故三國之詩同風至十六世懿公爲狄所滅齊  
桓伐狄而更封衛於楚丘是爲文公子成公遷都  
帝印今之濮州也樂記謂桑間濮上之音是已襄  
王十七年以河內地與晉賈逵云晉有功賞之以  
地陽樊溫原攢茅之田也使河內屬衛天王安  
奪彼以與此則河內非衛明矣左傳謂晉始啟南  
陽蓋小脩武之南陽非今唐鄧之南陽也魏本周  
同姓之國晉獻公滅之以封其大夫畢萬及三家

分晉而河內更屬於魏魏惠王三十一年獻河西  
地於秦徙都大梁國仍稱魏而所都之地實非魏  
也且魏分晉地在刪詩之後詩有魏風有唐風有  
衛風唐卽晉也今山西平陽府是也衛則衛之東  
郡浚邑澶淵之地是也魏爲河內無疑矣漢費直  
蔡邕魏陳卓唐李淳風僧一行星歷之說各有不  
同樞獨愛鄭漁仲之論曰漢魏諸儒言星土者或  
以州或以國辰次度數其歲星遷徙亦非天文之  
正不可爲據又况魏徙大梁則河西合於東井秦

宜陽則上黨入於輿鬼吾故曰國之遷徙雖無常而星之分野則有定是也唐一行之言十二次也惟以雲漢始終言之雲漢江河之氣也認江河脉絡於兩戒識斗羅升沉於四維分野所在如指諸掌先儒亟稱之夫一行以定星野於國不如定星野於雲漢蓋以在地者有遷而在天者無遷也樞獨以爲定星野於雲漢不如定星野於山嶽蓋以在天者難步而在地者易步且無遷也近見河南志以河內爲衛室壁分野山東志以濮州爲衛

室壁分野且河內南接河南不百里卽爲觜觿之分野而東去濮博殆千里室壁分此又分彼是何其狹而長乎晉天文志亦謂河西四郡爲室壁分野乃越岐雍遠分於六千里之外益不可曉史記天文志營室至東壁爲并州分野昔舜因翼州太廣分其西北爲并州卽今大同太原是也若如諸書所討則山東河南山西陝西無地而非室壁之分野所考滋多所惑滋甚括地志以觜觿參爲益州分野星經因益州魏地畢觜參之分河內上黨雲

中是也今按禹分九州有梁漢武帝改梁州爲益州卽今之四川是也與河內相去萬里諸儒於地里之易步者尙紛紛無定而謂天文之難步者乎信乎天道不可得而聞也吾故曰天文雖未之習而地里則有可據者是也大抵河內之地所以分野不定者古屬山西却在山東今屬河南却在河北古者列國因地之俗以獻詩吾今因詩之俗以占地因地以定星之分野可乎張子曰衛國地濱大河其地土薄故其人氣輕浮其地卑下故其人

質柔弱今衛輝曹濮陳留浚儀澶淵之風俗人物酷似之河內之地土不薄地不下人不輕浮柔弱決非衛地也地非衛地則星非室壁之分野也明矣魏風諸篇葛屨汾沮洳言地狹隘民儉嗇而褊急也河內之野人似之伐檀園有桃性狷介心多憂思也河內之君子似之後雖有善詩者形容河內之風不能有加於此當作魏地無疑矣地爲魏地則星 觜觿參之分野也又奚疑

災祥

周

敬王四十三年丹水壅不流 元王六年丹水三日絕不流 威烈王五年丹水出相反擊

漢

武帝建元六年河內失火延燒千餘家上使汲黯往視過河內矯詔發粟以賑貧民 王莽時濟水枯竭 建武十五年正月丁未彗星見昴稍西北 行人營室犯離宮二月乙未至東壁滅見四十九

河內縣志

卷之一

災祥

十九

日 和帝永元八年五月河內蝗 安帝永初二年春正月河內饑稟河內貧民 順帝永建三年河內饑遣光祿大夫案行河內稟貸貧人 四年六月河內霖雨傷稼 桓帝延禧七年六月十二日河內野王山上有龍死長可數十丈 靈帝建寧三年正月河內人婦食夫

魏世河內冬雨棗

晉



武帝太始六年大雨霖河沁並溢 七年六月大霖雨河沁皆溢 太康元年四月河內雨雹傷麥 二年五月河內雨雹傷禾稼

後魏

太祖天興四年春河內木連理二 五月河內獻白雉 太宗泰昌三年八月河內大雨水復其租稅 高祖太和元年八月河內民席衆家雞雛近尾上復有一頭口目俱二頭皆從頸後各有二翼 二足旁行是時世宗頗任群小更有朋黨邪佞干

河內縣志

卷之一

災祥

二十

正之驗 太和二年十二月懷州獻白麀 十四年六月懷州獻三足烏 世宗景明三年河內獻白兔 四年六月河內獻白兔 正始二年九月河內獻黑兔 四年四月河內獻白兔 永平二年四月河內獻蒼烏又獻白雉 延昌四年九月河內獻白兔 前廢帝普泰元年五月河內獻蒼烏

北齊

顯祖天保八年河北蝗

隋

高祖仁壽二年河北太水

唐

聖歷二年秋水溢懷州漂千餘家 德宗貞元十三年十月懷州鷓鴣巢內有黃雀往來哺食 武宗會昌三年免懷州秋稅

五代

唐明宗天成一 年五月懷州進白鵲 周太祖廣順二年旬日無鳥是年人瘟疫

河內縣志

卷之一

災祥

二十一

宋

太祖建隆四年七月懷州蝗 眞宗天禧元年三月令作淖糜濟懷州流民 仁宗明道二年蝗 三年雨赤雪 慶歷六年懷州嘉禾異畝同穎 英宗治平七年沁河溢 神宗元豐二年懷州禾合穗 六年懷州禾異隴同穗 七年八月懷州沁河泛溢大雨水損稼壞廬舍 哲宗元祐二年懷州禾異隴同穗

金

熙宗皇統五年懷州產嘉元 章宗明昌元年懷  
州產芝草嘉禾

元

世祖至元七年河內大雨雹 八年懷孟路蝗  
十七年懷州旱 二十年沁河水湧溢壞民田千  
餘頃 二十二年懷州旱 二十四年懷州風雹  
害稼 二十六年懷州蝗 二十九年懷孟路饑  
成宗大德五年懷州蝗 八年詔懷孟路被災  
人戶免差稅二年 武宗至大二年八月懷孟蝗

河內縣志

卷之一

災祥

二十一

三年懷孟蝗 仁宗延祐二年懷州饑發米賑  
之 泰定三年懷慶踏蝗十二月懷慶饑賑鈔四  
萬錠 四年懷慶蝗旱免田租之半 致和元年  
懷慶饑發粟賑之 文宗天歷二年懷州民饑賑  
以鈔暨糧 三年正月懷州饑 二月河內火  
至順元年賑懷州饑民五月詔曾經賑濟人戶免  
今歲差發 七月河內縣蝗 順宗至元三年懷  
慶蝗六月沁河水溢七月懷慶水 至正六年懷  
慶饑 七年大旱民饑 十一年四月河內縣寅

如雷霆圮房屋壓死者甚衆 十三年河內天鼓  
鳴 十四年河內大旱 十九年懷慶蝗食禾稼  
草木俱盡所至蔽日碍人馬不得行填坑塹皆盈  
饑民捕蝗以爲食或曝乾而積之又罄則人相食  
二十三年河內淫雨害稼 二十四年河內縣  
水

明

成化十八年七月霖雨大作沁河暴漲決隄毀郡  
城摧房垣漂人畜不可勝紀 二十年大饑 宏

河內縣志

卷之一

災祥

二十二

治六年正月有大星隕光芒燭地是冬雪深丈餘  
十一年斗米十錢 嘉靖七年大饑 八年  
蝻生 九年產瑞麥瑞瓜嘉禾 十六年沁河泛  
溢 十八年蝗蝻生 二十六年木星逆行流營  
室 三十三年大疫秋七月產嘉穀 三十四年  
十二月地震 三十五年六月沁河溢 隆慶三  
年大水 萬歷八年蝗 十四年秋霖四十餘日  
沁水嚙堤 十五年三月地震屋宇動搖夏城河  
荷花並蒂是歲大旱 十六年大饑大疫死者枕

籍城野人相食發臨清米及內帑以賑 二十四  
年大旱蝗蝻生四月冰雹其大如雞卵傷禾及人  
四十年冰雹 四十一年沁河泛溢 四十四  
年蝗蝻生 四十六年夏甘露降 天啟六年雨  
雹大風揭瓦拔木 崇正元年雨雹傷禾 五年  
九月流寇自山西南下陷清化焚戮甚慘 六年  
雨雹傷禾 九年雨雹傷禾 十一年旱六月蝗  
十二年旱沁水竭飛蝗蔽天緣堞入城內嚙筍  
水盡結塊渡河去是歲饑知縣王漢遠糴賑濟興

築城工民夫就食全活甚衆 十三年自去年七  
月至本年八月始雨五穀種不入土歲大饑斗粟  
二千錢人相食亂民所在嘯聚知縣王漢討平之  
十四年蝗蝻生瘟疫大作亂屍橫野地荒過半  
十五年地震 十七年元日日無光二月三日  
並見雨土如霰晝晦

順治元年冬十月逆闖寇郡城環攻四日夜群見  
關帝指揮城頭寇驚退 二年旱麥盡槁免錢糧

八分 七年沁河溢 九年秋霖連旬沁水齒隄  
十一年霖雨大水傷禾免糧三分 十四年東  
門城樓火龍起 十五年雨雹 康熙六年四月  
雨雹 六月二十六日蝗自西南來望東北去  
七 六月地震 十八年七月地震淫雨彌月禾  
稼多死 二十二年十月地震 二十三年旱大  
饑

差賑濟 二十四年十月免本年未完錢糧 二  
十五年丁地錢糧蠲免五分 二十七年春旱三

月無雨冬無雪 十二月奉

旨民八十以上者給絹一疋綿一觔米一石肉十觔

九十以上者倍給

本縣九十以上者十名八十以上者一百零九名

二

十八年三春無雨十月奉撫憲捐俸賑卹窮民院  
司道府縣各捐給麥種 二十九年春夏大旱沁  
冰竭府縣捐俸勸諭紳衿等捐米給散窮黎免錢  
糧十分之二 三十年大旱沁水竭六月蝗凡被  
旱災之處並緣山一帶被蝗災者並免錢糧十分  
之三 三十一年旱大瘟疫蠲免本年錢糧 三

十二年夏月大雨傾注連旬西隄薄嚙數十六  
潰知府劉公維世知縣李公櫟冒雨跣足救止流  
村駱村際村等處介於丹沁之交者被水漂蕩民  
人失 布政使司李公國亮捐俸發縣賑給均徧  
實惠村民復聚 康熙三十四年四月初六日  
震有聲如雷東西城門樓皆有損

疆域形勝村鎮風俗

美河內者曰太行雄峙丹沁揚波箕箒拂拂然煙井如錯金仁山所云小江南矣然輪廣幾何山據其背水吞其胞况乎介居晉豫歷代戰爭之際視此地殆猶傳舍習俗不靡不暴或亦勞則思思則善心生之義乎李文饒欲割澤州益河陽軍意謂澤隸晉則太行之險在晉澤隸豫則太行之險在豫也乃鴻烈解稱武王欲築宮太行之山周公病其險固而止則形勝之說非耶余欲度北邙而觀

河內縣志

卷之一

疆域

二十七

卜洛矣

縣係懷慶府屬附郭在省城西北三百里自縣治東北陸路一千六百里達于

京師廣九十里袤九十五里東至武陟縣界六十里西至濟源縣界三十五里南至孟縣界三十里北至山西澤州界六十里

形勝

涑水出乎其西淇水出乎其東

書傳

表裏山河土廣民殷

魏志  
杜舊



河內名邦覃懷巨郡南蕃鳳北

集

北鄰于澤南至于温

元志

沁水中流地勢平曠

一統志

太行北峙沁水東流舟車都會號稱陸海

舊郡志

太行雄峙于後丹沁交流其中土曠民殷號稱小

江南

郡志

### 鄉鎮

清化鎮

即太行城在城東北四十里明推官潘棠築城萬歷間知縣盧夢麟重築崇正間知

縣楊調鼎重脩

栢香鎮

在城西三十里舊有城崇正間尚鄉宦楊嗣脩脩築名曰善建城

## 河內縣志

### 卷之一

鄉鎮

二十八

鎮

在城東三十里 崇義鎮 即忠義縣在城

武德鎮

即武德城

在城東南四十里

邗臺鎮

即邗城在城西北二十里

萬善鎮

在城北二十里有

驛所今裁

### 風俗

河內之地險要富實其俗朴野易治服寇恂平易

之化熙熙向風不靡不暴

漢書地理志

風土得四方之正是以習俗好尚奢儉得中

元地志

好性理崇禮義興淳儉之化息崇侈之習人淳事

簡

明一統志

多敦本好學力耕桑而鄙販鬻尚清而多

志舊

河內縣志

卷之一

風俗

二十九

城池公署倉庫

丞漢綰 河內 庚辰大歉時也祖臧孫之  
陋渠邱之晏安聚衆成城以爲重閉迨乎流  
蹂躪覃懷佗邑多成灰燼而河內雉堞歸然無  
數萬人全首領于搶攘卽廨舍華表不淪于一  
炬焦土之中其所省一方金錢寧獨數十百緡而  
已哉今天下太平無復或思或縱之慮第沁水鼓  
浪北郭外洪濤湧起使人心悸夫天下之患每伏  
于隱微而發于人之所不備也情慙緯恤詎日杞

憂

城係懷慶府附郭據舊志元至正二十二年建明  
洪武元年重築周圍九里一百四十八步高三丈  
五尺廣二丈池深二丈五尺濶五丈角樓四敵臺  
六警舖三十九成化正德間知府倪顥周舉重脩  
崇正十四年知縣掖縣王漢重脩增高五尺外濶  
三尺易四門樓以磚東日朝曦西日萬成南日朔  
南北日共極

國朝順治十二年知縣孫公灝重脩康熙二十七年

知府劉公維世

重脩四門城樓緣濠栽

數

百餘株時霽雨

西面城墻十餘丈知縣李

重脩

公署

縣署在京南明洪武二年建

大門三間

儀門三間

角門二間

戒石銘坊一座

正堂五間

東西二間  
係官厚

堂東亭三間

堂西

後堂三間

河內縣志

卷之一

公署

三十一

三

書房三間

西

庫三間

房二間

司房十三間

兵刑工  
承發司

三間

賓館三間

三間

一

縣宅

堂在後正

縣丞宅

堂在東正

主簿宅

西在正廢堂

典史宅

內在東二門

總鎮府

西在北縣治

分守河北道

北在今縣署西

察院

治在東縣

懷慶府

西在北縣治

府儒學

治在東縣

演武場

南在二城外西

倉庫

豐儲倉

北在縣署

預備倉

生縣署北邑令李

常平倉

鎮在城及各

養濟院

郭在北

漏澤園

皆四郭外

河內縣志

卷之一

公署

三十二

田賦

元鐵木兒守懷不下明太祖按畝而倍征之邑賦  
遂至九萬石河 冀州南鄙也土白壤而田中中  
豈其地盡膏腴哉驅車東北郊煙井櫛比竹木交  
蔭似爲沃野然猶有挈以予人而不敢受者此亦  
賦重難堪之明驗也前太守王公德明奏請均糧  
不報紀公誠 疏均糧又不報琴瑟不調則解而  
更張之豈尚非更張時歟反相沿之積習爲振勵  
之宏圖父老子弟拭目望之矣

河內縣志

卷之一

田賦

三十三

河內縣舊管六十三里康熙十一年奉文併爲四  
十里

萬北 一里 二里 三里 四里

萬易 一里 二里 三里 四里

清上 一里 二里 三里 四里

清下 一里 二里 三里 四里

利上 一里 二里 三里 四里

利下 一里 二里 三里 四里

崇上 一里 二里 三里 四里

崇下 一里 二里 三里 四里

寬平 一里 二里 三里 四里

在城 一里 二里 三里 四里

附懷慶衛田賦戶口收入在城五里

原額四等其地一萬一千三百六十九頃九十六

畝六分五厘九毫三絲四忽一纖

內除學田地八頃三十八畝二分八厘

荒地門百五十二頃一十五畝一分三厘八毫三

絲 屢年陸續開懇

種成熟地一萬八百一十六頃二十二畝七分

一厘三毫五絲四忽一纖內分

上地一千六百七十三頃七十八畝八分二厘四

毫一絲八忽三微六纖

中地四千二百三十二頃一十二畝五分二毫八

絲八忽八微九纖

下地四千七百二十五頃四十二畝二分七厘五

毫二絲四忽六微七纖

極下地六百四十頃二十四畝七分七厘六毫九

絲二忽九纖

照依賦役則例

民上地每畝派銀一錢一分八厘

中地每畝派銀八分八厘四毫四絲

下地每畝派銀五分三厘六毫六絲

極下地每畝派銀二分三毫四絲七忽

寄莊土地每畝派銀一錢二分二厘六絲

中地每畝派銀九分一厘四毫四絲

下地每畝派銀五分五厘四毫一絲七忽

河內縣志

卷之一

田賦

三十五

極下地每畝派銀二分九毫三絲五忽

以上並加徵漕耗等頃

共派銀八萬一千八百六十兩二分二厘二毫六

絲四忽內除公田徵四免六

實在徵銀八萬六百五兩八錢三分二毫六絲四

忽

附收懷慶衛

原額地二百七十四頃二十九畝八厘六毫六絲

經屢年自首開墾



見種成熟地二百七十九頃三十八畝四厘三毫  
五絲

比照民田賦役則例不足舊額仍照舊例派徵共  
徵銀七百一十兩六錢二分六厘六毫五忽一

戶口

原額三等九則人丁二萬七千八百一十丁  
舊志逃亡人丁二千三百九丁  
新增壯丁一千六百七十一丁

自順治十六年起至康熙二十九年止又陸續審

編增出壯丁五千六百六十六丁

見在活丁三萬二千八百三十八丁內分

上上一十六丁

上中二十丁

上下二十七丁

中上六十七丁

中中二百三十九丁

中下六百七十六丁

下上 千九百六十三丁

六千三百二十三丁

下下二萬二千五百七丁

內除紳衿吏優免

實在人丁三萬一千二百八十九丁

實徵丁銀二千七百九十四兩七錢四厘

附收懷慶衛

原額無照見在活丁七百七十四丁

實徵丁銀三百四兩九錢

以上通共實徵丁地等項共銀八萬七千八百三

河內縣志

卷之一

田賦

三十七

十兩八錢一分一厘一毫五絲二忽九微九纖

六埃二渺五漠

附王太守德明均糧疏

臣按河南省七府一州計地則懷慶狹于各府計  
稅則各府輕於懷慶如開封府四十二州縣夏秋  
起存錢糧共七十七萬九千九百八十石有零河  
南府十四州縣夏秋起存錢糧共四十八萬一千  
三百六十八石南陽府十三州縣夏秋起存錢糧  
共一十一萬四千五百六石有零汝寧府十四州

縣夏秋起存錢糧共一十二萬一千七百八十八石有零衛輝府六縣夏秋起存錢糧共一十四萬五千七百四十九石有零彰德府七州縣夏秋起存錢糧共二十五萬一千九百五十八石有零汝州四縣夏秋起存錢糧共一十四萬七千八百三十一石有零懷慶府六縣夏秋起存錢糧共三十三萬六百二十二石有零因府計縣因縣計里因里計稅懷慶之與各府其地之廣狹稅之輕重不辯自明雖當大有之秋一夫必貢寸土不遺尙不

足以完該年之稅况值此荒歉相繼之歲驅此溝壑所餘之民以完二十四萬有餘秋稅臣雖至愚亦知不可也伏望皇上憐此殘民重此中土勅下戶部再加察訪如臣言不謬將該年秋稅暫且停徵其自來偏重錢糧轉行撫按及二司再行查勘如懷慶之與各府果係地狹稅重通融洒派俾積年不平之事自此而平可也若口遵行既久久則難變此遷就固陋之云豈可與更化而善治也哉必不得已將七府各倉輕糧儘派本府本府各倉

重糧儘攤各府度稅可少輕而民可少愒然終不若均之之爲愈也臣德明冒死上言不勝戰栗待罪之至

附紀太守誠均糧疏

臣備員守職待罪應朝例得據見聞直言利弊臣不敢妄越特以事關民瘼之大者敬爲陛下陳之思惟國初定賦止據一時土地之荒熟起科初未嘗有所厚薄於其間也彼開封汝寧歸德南陽等府先俱遭兵其時地荒故其糧頗少獨懷慶一府

向未蒙亂比其地方熟故其糧頗多糧之多少不過以地之多寡爲率苟如此其地如此其糧雖至今行之亦何有不可者但年久勢異而各府之荒蕪皆盡開墾如西華縣志洪武二十四年在冊地止一千九百九十四頃有奇嘉靖十一年新丈地一萬九千七百七十頃有奇永城縣原地一千五百三十頃有奇至嘉靖十一年新丈出二萬六千六百一十九頃有奇在二縣如此在他縣可知是土地實增倍於其舊則糧宜增而不增而顧以其

分洒之此輕者益見其輕也至於懷慶北枕行南環黃河中流丹沁年年衝壓則膏腴變爲鹹荒者不下百十餘頃又且有封藩各墳址之開占是以糧有包空之說而人之逃者相繼先河內縣原編戶一百二十餘里今併爲八十三里脩武縣原編戶六十里今併爲二十九里凡他縣亦皆類是人逃而地漸荒則土地已非其舊夫糧宜減而不減而復以其糧包賠之此重者益重無怪乎懷慶之民日困征輸而卒無以自安也臣奉命守茲

土入其境見其民心竊恫焉隨據河內等六縣民楊光張相等連名告乞俯念地糧偏累曲賜多方均減以延餘民等事因詢其故乃查河南總賦文冊懷慶一府共地四萬二千八百八十九頃該糧三十三萬六百二十石如歸德府七萬四百餘頃止徵糧六萬七千六百七十餘石計其地懷慶不及開封等各府十之一二而其糧多不止於十數倍况懷慶之地每二百四十步爲畝每畝徵糧一斗少亦不下八升五合其他各府之地每四百八

十步爲畝每畝徵糧二三合多不過一升甚者有數畝之地而無一撮之糧以一役之微而免數畝之稅是懷慶一畝之地足當各府三四十畝之稅懷慶不免有徵賦包賠之苦而在各府乃得以恣飛詭影射之奸于此使不有以通融之則苦樂不均而懷慶偏重之累將何時已乎伏望陛下俯察臣言勅令戶部吊查黃冊與河南總會文冊一一對閱各府原地若干原糧若干今增地若干該糧若干復查懷慶是否衝壓有無開占該餘若干公

視八府爲一體惟計畝均糧可增則增可減則減當統一之日立畫一之法則在在皆得以蒙其均平之澤也若開封等各府猶堅忍偏護不肯一體通融必不得已姑先調停如糧數雖同而起運存留有輕重之互異起運雖同而本色折色有省費之不倫卽于派糧之日酌量輕重定爲規則將本府准改存留糧七分起運糧三分算每地一畝仍改重糧二升三合四勺輕糧五升四合六勺較之他府雖猶重數倍比之往年則畧輕二升所謂寬

一分則民受一分之

起運錢糧又為 將此

量免一半另改起運折色

改為折色則本色之費用可 為

輸納之艱勞可免雖 能 均 于一省

而救偏補弊亦得以減重從輕于一省之

民有更生之望而守 待罪之 以

業也惟陛下留神臣愚 為

本外臣無任瞻天仰聖 之至

糧舊在一條鞭 米万

百姓不 幣費之 王

本色

之 三

河內舊

治十四年河內令

額引

張增入本 加引一

新舊共鹽引一萬六千五百九十張

順治十七年奉文減去三千二百五十三張實在

鹽引一萬三千三百三十七張

康熙二十四年四月初 本府王公肇春詳由

撫王公日藻題請舉

改食蘆鹽

河內縣志

卷之一

鹽引

四十二

康熙二十九年

巡撫都察院閻

題爲引多丁少等事該臣看得懷慶府屬向食河

東引鹽因引壅課絀民困商逃經前撫臣王日藻

題請改食蘆鹽部覆允行在案茲查河濟等五縣

鹽引舊額無多因順治十四年山陝河南等處荒

殘將缺額之引派加河北自加引後歲歲壓滯尚

未全完緣加引過多丁少難銷之故臣准鹽臣江

夔移商以各縣現在完欠定爲額數五縣共減一



萬九千引共留一萬六千八百一十六引臣非不知鹽引關乎

國課難議減免但五縣引多丁少鹽日壅積有司屢受叅罰商民交相困苦查康熙二十六年五月初三日

恩詔相符仰乞

勅部議覆酌減臣謹會同長蘆鹽臣江蘩合詞具題伏乞

勅部議覆施行奉

河內縣志

卷之一

鹽引

四十四

旨該部議奏

驛傳

覃懷驛現在馬七十一匹每匹日支草料銀五分歲支銀一千二百七十八兩

馬夫三十五名每名日支工食銀四分五厘歲支銀五百六十七兩

驛前塘馬二匹每匹日支草料銀五分歲支銀三十六兩

塘馬夫二名每名日支工食銀四分五厘歲支銀

三十二兩四錢

馬牌子一名口支工食銀四分五厘歲支銀一十六兩二錢

探馬夫二名每名日支工食銀四分五厘歲支銀三十二兩四錢

損轎夫五十八名每名日支工食銀四分五厘歲支銀九百三十九兩六錢

里甲馬牛夫青夫吹手俱已陸續全裁

萬善驛夫馬欵項于順治十七年奉文全裁

河內縣志

卷之一

驛傳

四十五

其工料原額銀二千一百八十六兩

除荒實徵銀一千八百九十八兩七錢八分六厘四毫歸併覃懷驛通融支應餘銀撥協他驛至今未復